

Հալածող հակասական մտքերը եւ յանկարծ, աչքերիս առջեւ ձեղքուող Արագածի գագաթը՝ քայլերիս տակ տեղ դրին, ու լայնատարած դաշտը երեբայ:

Ելեքորական հոսանքի նման, մի առ մի, մէջս արթնանում էին զարտնի, գրեթէ բնագրական բնոյթ կրող ապրումներ: Ուզում էի, որ ամէն ինչ շարժուի, ապրի ներուժ կեանքով, ցնցուի, արագորէն կայծկլտի: Տաժանելի է այդ զգացումը: Մեծ այդ բացը քո եւ շրջապատող միջավայրի միջեւ: Հոգուդ եռացող տաղը եւ ջուրի վրայ տատանուող գորտի դիակը: Տենդը եւ սառույցը: Մփող ալիքը եւ լուսկեաց թայրը:

Քայլերս արագացրի՝ ուզում էի ինքս ինձմէ փախչել: Ճակատս տուի հովին ու հարբածի նման առաջացայ:

Մէկ էլ, ահա, հեռուից, Հոխիսիմէի եկեղեցին:

Կանգ առի:

Կանգ առի, ինչպէս կանգ է առնում խիտ մի անտառ անցնող՝ անյայտ ձայնի առջեւ: Չգիտես՝ ո՞ր կոմից է դալիս. մօ՞տ է, հեռո՞ւ է, մա՞րդ է, տեսի՞լք է: Խոր երաժշտութեան նման կլանում էր ամբողջ էութիւնս: Մի ինչ որ իմատտի առջեւ հարցահան մի նշան դնում: Եւ սակայն, այնքա՞ն ներկայ էր, այնքա՞ն կենդանի: Արարատի մօտ, հսկայ, անդրաշխարհային այդ ներկայութեան առջեւ, նա կարողանում էր ապրել ուրոյն կեանքով, նա է՛ր: Ու միեւնոյն ժամանակ այնքա՞ն լուռ, այնքա՞ն ամփոփուած եւ սլարդ, որ կարծես չկար: Կար եւ չկար: Ապրում էր եւ գոյութիւն չունէր: Յիշատակ էր, տեսի՞լք:

Մտայ բակը: Մարդ չկար: Մօտեցայ զանգակատան, խարխուլ մի սանդուխ էր դրբուած: Բարձր, աստիճանները կտորտած, անձրեւներից մաշուած մի սանդուխ: Բարձրացայ: Ամէն մի աստիճանի հետ Արարատը հետս մագլցում էր եւ դաշտը վար գլորում, բացւում, չունչ առնում, թոքերը հովին տալիս եւ լեռների մէջ երերում:

Վերը, զանգակների շունները կախուել էին մեռած օձերի նման: Ամէն ինչ սոսկալիորէն լուռ էր: Վայնատարած դաշտը, լեռները, եկեղեցիները, տները կանգ էին առել անհունի առջեւ պայպանձուած:

Անհանգիստ, չորս կողմս դարձայ՝ ոչ մի կեանքի նշան: Երբեմն հովի խուլ մոնչիւնը անցնում էր պատերի վրայից՝ անտարբեր քարերը քերելով, եւ ամէն ինչ նորից իջնում էր վիհ: Փորձեցի կանչել՝ ոչ մի պատասխան: Չայնս փետուրի նման անհետանում էր տարածութեան մէջ, եւ ես մնում էի սոսկալիորէն միակ: Մինա՛կ: Վախեցայ: Արդեօք երազ է՞ք: Ամէն ինչ հեռաւոր յիշատակի նման, գիտակցութեան մշուշի միջից, արթնանում էր իմ մէջ եւ յարդի տակ վառուող կրակի պէս մարում:

Տարակոյս չկար, ես գտնում էի երեւակայական մի երկրում: Ծօշափում էի քարերը, ստքերս զարնում տեղին — ողջ էի: Իսկապէս ո՞ղջ էի: Նորից կանչեցի: Լուռութիւն: Ուղեցի շուտ իջնել, բայց վերելից սանդուխը այնքա՞ն բարձր եւ այնքա՞ն խարխուլ երեցաւ, որ կանգ առի:

Կարելի՞ բան է, որ այս լայնատարած դաշտի մէջ կեանքի եւ ոչ մի նշան երեւնայ:

Բակի շէնքի պատուհանները նայում էին սլարայ աչքերով: Հեռում, Գայանէի վանքը թաղուել էր մի փունջ լոյսի տակ եւ իջմիածնի տանիքների վրայ մամուռ էր բուսել:

Յանկարծ, ուշադրութիւնս դրաւեց մեծ զանգակը: Անշարժ կախուել էր, ու սեւ, անգրնդային իր աչքը յառել ինձ վրայ: Չուանը ձեռքս առի ու սկսեցի ամբողջ ուժով զանգը տալ: Չանգակատունը լեցուեց պղնձե զօղանջով: Չայները պայթեցին եւ օդի մէջ հառաչելով մագլցեցին: Կանգ առի, յոգնած: Ծուրջս նայեցի՝ մարդ չկար: Դաշտը, լեռները, եկեղեցիները լուռ էին ինչպէս առաջ: Ուրեմն...

Այլեւս սարսափած վար իջայ եւ բակից դուրս նետուեցի: Փողոցի դռան մօտ հասած ժամանակ, փոքրիկ շէնքից մի աղջիկ գլուխը դուրս հանեց, անտարբեր նայեց ինձ եւ նորից անհետացաւ: Մա՞րդ կայ եղել թաղուած այգում:

Թաղուած այգում...

* * *

Այդպէս էր այն ժամանակ: Հիմա՞... Հիմա զնում եմ բոլորովին տարբեր տրամագրութիւններով: Ուրիշ աշխարհից եկած դէպի ուրիշ աշխարհ: Իջմիածինը գեղագիտական հնութիւն չէ